

48 Að svo vöxnu máli get jeg eigi sjeð neina ástæðu til að hlutast til um, sam-
21. marz kvæmt tillögu yðar, að hið umkrafða álag verði tekið upp á fjárlagafrumvarpið fyrir
1890 og 1891.

49 Brjef landshöfðingja til amtmannsins yfir suðuramtinu og vesturamtinu um
25. marz sjerstakt manntalsþing fyrir Hafnahrepp. — Eptir að jeg hefi meðtekið þóknanlegt
brjef yðar, herra amtmaður, dags. 18. f. m., og þar með fylgjandi skjöl, vil jeg hjer-
með samkvæmt beiðni hreppsnefndarinnar í Hafnahreppi og meðmælum sýslumanns og
sýslunefndar í Kjósar og Gullbringusýslu veita samþykki mitt til að Hafnahreppur verði
eptirleiðis sjerstök manntalsþinghá og þingstaður þar fyrst um sinn í Merkesi, og er
hreppsnefndin skyld til að sjá um, að ávallt sje til hæfilegt hús á þingstaðnum til
þinghaldanna.

Þetta er yður, herra amtmaður, tjáð til þóknanlegrar leiðbeiningar og birtingar.

50 Brjef landshöfðingja til sýslumannsins í Vestmannaeyjasýslu um endurborg-
25. marz un á tolli af vínföngum, er lekið höfðu niður. — Með þóknanlegu brjefi, dags. 2.
nóv. f. á. hafið þjer, herra sýslumaður, sent hingað erindi frá Gísla kaupmanni Engil-
bertssyni á Vestmannaeyjum, þar sem hann fer þess á leit, að sjer verði endurgoldinn
tollur af 133 pottum af 16^o brennivíni, sem lekið hafi úr tunnu, er hann hafi meðtek-
ið með skipinu «Sömanden», er kom til Vestmannaeyja frá Kaupmannahöfn 28. sept.
f. á. Fylgdi erindi þessu útskrift úr aukarjettarbók sýslunnar, innihaldandi skýrslu um
rjettarhald 16. okt. f. á. þar sem yfirheyrðir voru eptir beiðni kaupmannsins 4 menn,
er verið höfðu í vinnu við uppskipun úr «Sömanden» og báru 2 af þeim, að af alls 3
brennivínstunnum, sem fluttust til tjeðs kaupmanns með skipinu, hafi 1 verið alveg tóm
að þeirra álitu.

Út af þessu undanfelli jeg ekki hjermeð þjónustusamlega að tjá yður til þókn-
anlegrar leiðbeiningar og birtingar fyrir Gísla kaupmanni Engilbertssyni, að með því að
hann hefur eigi farið svo að, sem fyrirskipað er í lögum nr. 10, 11. febr. 1876 3. gr.
og kallað hlutaðeigandi lögreglustjóra til í tíma að rannsaka hina umræddu tunnu og gefa
vottorð um að lekinn hafi í raun og veru átt sjer stað, þá geti krafa hans um endur-
gjald á tolli af ofanamgetnum 133 pottum af 16^o brennivíni ekki orðið tekin til
greina.

51 Staðfesting konungs að mandatum á reglugjörð fyrir gullbrúðkaupslegat
25. febr. Bjarna amtmanns Þorsteinssonar og konu hans, frú Þórunnar Hannesdóttur.

Vjer Christian hinn níundi af guðs náð Danmerkur konungur, Vinda
og Gauta, hertogi í Sljesvík, Holtsetalandi, Sórmæri, Þjettmerski, Láen-
borg og Aldinborg.

gjörum kunnugt: með því að allraþegnsamlegast hefur verið sótt og beðið um allra-
hæstu staðfestingu Vora á reglugjörð, sem búin hefur verið til af stjórn legats nokkurs,
sem stofnað hefur verið út af gullbrúðkaupi Bjarna amtmanns Þorsteinssonar og konu
hans Þórunnar Hannesdóttur, fæddrar Finsen, og sem kallast gullbrúðkaupslegat Bjarna

amtmanns Þorsteinssonar og konu hans frú Þórunnar Hannesdóttur, en reglugjörð þessi 51 er í frumriti hept hjer við, þá höfum Vjer allranáðarsamlegast staðfest nefnda reglu- 25. febr. gjörð, sem ráðgjafi vor fyrir Ísland geymir samhljóða og sannað eptirrit af, eins og Vjer og hjer með staðfestum hana.

Vjer fyrirbjóðum öllum og sjerhverjum að tálma því, sem að framan er skráð. Ritað í aðsetursstað Vorum Kaupmannahöfn hinn 25. febrúarmán. 1889.

Undir: Vort konungs-innsigli.

Samkvæmt allranáðarsamlegastri skipun hans hátingar.

J. Nellemann.

REGLUGJÖRÐ

fyrir gullbrúðkaupslegat Bjarna amtmanns Þorsteinssonar og konu hans frú Þórunnar Hannesdóttur.

1. gr.

Sjóður þessi er myndaður af gjöfum einstakra manna til minningar um gullbrúðkaup amtmanns Bjarna Þorsteinssonar og konu hans Þórunnar Hannesdóttur 22. júlí 1871, og með því hann 31. desember 1888 að viðlögðum vöxtum 3113 kr. 36 aur, er, samkvæmt ákvörðun tjeðra hjóna í stofnunar skjali dags. 24. nóv. 1872, samín reglugjörð þessi fyrir sjóð þenna.

2. gr.

Höfuðstóli sjóðsins stýrir landshöfðingi eða æzta stjórnarvald, sem búsett er hjer á landi, samkvæmt reglum þeim, er gilda um fje almennra stofnana.

3. gr.

Höfuðstól sjóðsins má aldrei skerða, og ef honum bætast gjafir eða aðrar sjerstakar tekjur, skal þær ávallt leggja við höfuðstólinn, nema gefandi hafi annað áskilið.

4. gr.

Vöxtum sjóðsins skal verja sem styrk til þess að brýr verði lagðar yfir ár, fljót eða vötn, svo og til annara vegabóta yfir torfæru á almennings leið, allt svo framarlega sem hið opinbera ekki hefur beinlínis skyldu til að kosta slík verk eða ekki megnar það.

Til þess að styrkur sá, sem er veittur úr sjóðnum, verði að sem mestum mun, skal hvort amt njóta hans 3 ár samfelt í röð, þannig:

1. Vesturumdæmið 3 ár,

2. Suðurumdæmið 3 ár,

3. Norður og austurumdæmið 3 ár,

og fær þá hvert amt eptir sex ára tíma að njóta styrksins aptur í 3 ár.

5. gr.

Á hverjum 3 ára fresti ákveður landshöfðingi, hversu mikils styrks af vöxtunum umdæmi hvert geti orðið aðnjótandi á hinum næstu 3 árum, og ákveður, hvernig honum skuli varið, eptir að fengnar eru tillögur amtsráðs þess, er hlut á að máli. Við veitingu styrksins skal þess gætt, að hann megi verða til sem verulegastrar gagnsemi og til hvata fyrir landsbúa sjálfa til sem mestra framkvæmda af eigin rammleik.

Hinum veitta styrk skal varið á áskilinn hátt á þeim 3 ára tíma, sem styrkurinn er veittur á; en ef út af því bregður, rennur hann í höfuðstól sjóðsins eptir á-

51 kvörðun landshöfðingja. Þó getur landshöfðingi eptir sjerstökum atvikum veitt lengri 25. febr. frest til framkvæmdar hinu áskilda verki, þannig, að hlutaðeigendur geti orðið styrksins aðnjótandi, ef verkinu er lokið áður en hinn lengdi frestur er liðinn.

Reykjavík 27. desember 1888.

Stjórnendur sjóðsins:

Magnús Stephensen.

S. Melsted.

A. Thorsteinsson.

Tilkvaddir af landshöfðingja samkvæmt stofnunarskjalsins 5. gr.

E. Th. Jónassen

Steingr. Thorsteinsson.

52

Ágrip

af reikningi landsbankans 1. janúar til 31. marz 1889.

	Tekjur.	Kr.	Kr.
1. Í sjóði 1. janúar 1889			122087,79
2. Borguð lán :			
a. Fasteignarveðslán		3338,14	
b. Sjálfskuldarábyrgðarlán		2678,30	
c. Handveðslán		867,00	
d. Lán gegn ábyrgð sveita og bæjarfélaga o. fl.		<u>595,00</u>	7478,44
3. Innleystir víxlar			4041,00
4. Innleystar ávísanir			2145,53
5. Vextir af lánum			2942,15
6. Disconto			325,60
7. Provision og aðrar óvissar tekjur			230,06
8. Sparisjóðsinnlög			46661,19
9. Fasteign tilheyrandi bankanum seld			<u>200,00</u>
		Alls	<u>186111,76</u>
	Gjöld.		
1. Lánað gegn:			
a. Fasteignarveði		2860,00	
b. Sjálfskuldarábyrgð		2420,00	
c. Handveði		<u>5350,00</u>	10630,00
2. Keyptir víxlar			13876,00
3. Keyptar ávísanir			1405,06
4. Keypt skuldabréf Reykjavíkur			200,00
5. Útborgað af innlögum á hlaupareikning			103,92
6. a. Útborgað af sparisjóðsinnlögum		23747,77	
b. Dagvextir þar af		<u>4,59</u>	23752,36
7. Kostnaður við bankahaldið, laun o. fl.			1515,83
8. Ýmisleg útgjöld			99,87
9. Í sjóði 31. marz 1889			<u>134527,92</u>
		Alls	<u>186111,76</u>